

Көкбай Жанатайұлы

Абылай хан. Сабалақ



Көкбай Жанатайұлы
Абылай хан. Сабалақ

http://www.litres.ru/pages/biblio_book/?art=22579238

АБЫЛАЙ ХАН. САБАЛАҚ:

Содержание

АБЫЛАЙ ХАН. САБАЛАҚ	4
Конец ознакомительного фрагмента.	10

КӨКБАЙ ЖАНАТАЙҰЛЫ АБЫЛАЙ ХАН. САБАЛАҚ

АБЫЛАЙ ХАН. САБАЛАҚ

КӨКБАЙ ЖАНАТАЙҰЛЫ

(1861–1952)

Қазақтың ұлы ханы Абылайхан,
Көп емес өткеніне аз-ақ заман.
Уәли өз әкесі хан сайланбай,
Қазақтан басқа жаққа қонысы ауған.

Абылай хан боп өтті қолы жеткен,
Қазақтың баласына еңбек еткен.
Әкесі Абылайдың Уәли еді,
Өкпелеп хан бола алмай ауып кеткен.

Нағашысы Ғайып ханға кеткен ауып,
Тыныштық тұрып қапты сонда тауып
Жетім-жесір боп қалды Уәли хан,

Елімен Ғайып ханның қалмақ шауып.

Ақтабан шұбырынды аштық болып,
Ел кетті бет-бетімен қайың сауып.
Жас бала Әбілмансұр қалды жетім,
Еліне жетер емес қайта тауып.
Сөйтсе де талаптанып ізденеді
Жолдағы қорқыныштан қылмай қауіп.

Іздеп кеп Төле биге сәлем берді,
Таба алмай ата-баба туған елді.
Жыртылған үсті-басы далба-дұлба,
Тағзыммен рұқсат сұрап кіріп келді.

Кірген соң мұны қарап Төле көрді,
Бала да тағзым етіп сәлем берді.
Бұл маңның адамына ұқсамайды,
Жол шегіп, келген ғой деп ұзақ жерді.

Бір бала үсті басы далба-дұлба,
Күрсініп дем алады анда-санда.
Жылтыр көз тікірейген, сұрғылт сары,
Жаратқан ерекше ғып алла тағала.

Қой жүні жыртық күпі, сеңсең тымақ,
Көзіне шашы түсіп кеткен тым- ақ,
Отырысы сұңқардың баласындай,
Нәсілі Төле биге кетті ұнап.

Нәсілді жата ма екен, үйде бұғып.

Ауысып қойдан шығып, түйе бақты,
Күн сайын көрсетеді көп қайратты,
Төленің міндетті ісі онда болып,
Ғалат жоқ, еткен жұмыс тиянақты.

Ас болып барып еді би бір жаққа,
Қой басын сарқыт етті сынамаққа.
Түйеге келсе бала ұйықтап жатыр,
Жайылып төрт борбайы төрт тарапқа.

Би, келіп тамаша ғып бұған бақты,
Айтамын ғой бұл бала асыл затты.
Төрт борбайын жайғаны төрт тарапқа,
Тегінде билейді екен төрт тарапты.

Деді де, жолдасына басты берді,
Қасынан өзі жүріп, кетеді енді.
Сарқытты беріп – айтып кел, не қылғанын,
Жасырмай көргеніңнен артық-кемді.

Жолдасы Төле бидің берді басты,
Оянып, оң жанбастап көзін ашты.
Құбылаға қарап тұрып керіліп ап,
Шақырды құрбы-құрдас, бар жолдасты.

Оларға кесіп берді көз-құлағын,
Өзі жеді құйқа мен езу жағын.

Төле бидің жолдасы сұрайды енді,
Мұның қалай, мырзалық, Сабалағым?

Бірі көз, бірі құлақ- жолдастарым,
Беруге осы болды қолда барым.
Мен сеніп ұйықтап қалдым осыларға,
Әйтпесе болмас па еді көңілім жарым.

Төле бидің жолдасы үйге қайтты,
Көргені мен білгенін бәрін айтты.
Көпшілікті мырзаның ісі екен деп,
Патша затты адам деп ішін тартты.

Түйеден тағы ауысып жылқы бақты,
Енді көрсете бастады көп қайратты.
Төленің бар міндеті мұнда болды,
Майталман ойындағы бәрін тапты.

Бір күні жылқы ішінде отыр еді,
Екі баран, бір қызыл атты келді.
Жасы үлкен үш кісіні көргеннен соң,
Сабалақ әдеппенен сәлем етті.

Ол сөйтсе Қанжығалы қарт Бөгенбай,
Биге кеп қонақ болды үш күн ұдай.
Қалмаққа аттанысып барады екен,
Шерік қанша жер деді, мұнан бұлай.

Сабалақ түнде келіп Бөгенбайға:

Мен де құмар жан едім осындайға.

Конец ознакомительного фрагмента.

Текст предоставлен ООО «Литрес».

Прочитайте эту книгу целиком, [купив полную легальную версию](#) на Литрес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.